

SKUPŠTINA

180.

Na osnovu člana 37. stav 1. tačka g) Ustava Zeničko-dobojskog kantona, Skupština Zeničko-dobojskog kantona na 42. sjednici održanoj 25.05.2010. godine, donosi:

ZAKON

o dopunama Zakona o kantonalnim administrativnim taksama

Član 1.

U Zakonu o kantonalnim administrativnim taksama – Prečišćeni tekst („Službene novine Zeničko-dobojskog kantona“, broj: 13/02, 12/03, 4/04, 5/04, 4/08, 7/09 i 2/10), u članu 14. stav 1. tačka 6., u četvrtom redu, iza riječi „odlikovanja“ dodaju se riječi „bivši logoraš“, iza kojih se stavlja zarez.

Član 2.

U članu 15. iza stava 2. dodaje se stav 3. koji glasi: „U postupku ostvarivanja prava, u smislu člana 14. stav 1. tačka 6. ovog zakona, bivši logoraši dokazuju svoj status članskom kartom jednog od udruženja logoraša u BiH, (udruženja logoraša BiH, udruženja logoraša Herceg-Bosne ili udruženja logoraša Republike Srpske).“

Član 3.

Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-15448/10
Datum, 26.05.2010. godine
Zenica

PREDSJEDAVAJUĆI**Sejad Zaimović, s.r.**

181.

Na osnovu člana 37. stav 1. tačka f) Ustava Zeničko-dobojskog kantona, a u vezi sa članom 42. Zakona o cestovnom prijevozu Federacije Bosne i Hercegovine („Službene novine Federacije BiH“, broj: 28/06 i 2/10), Skupština Zeničko-dobojskog kantona, na 42. sjednici, održanoj 25.05.2010. godine, donosi:

ODLUKU

**O ORGANIZACIJI I NAČINU OBAVLJANJA
TAKSIPRIJEVOZA PUTNIKA NA PODRUČJU
ZENIČKO-DOBOJSKOG KANTONA**

DIO PRVI - OPĆE ODREDBE**Član 1.****(Predmet Odluke)**

Ovom odlukom bliže se uređuje organizacija i način obavljanja taksiprijevoza putnika na području Zeničko-dobojskog kantona (u daljnjem tekstu: Kanton) i to:

- način organiziranja taksiprijevoza na području Kantona;
- broj i razmještaj taksistajališta, način njihovog korištenja, uređenja i održavanja i broj taksivozila na pojedinim taksistajalištima;
- način utvrđivanja i naplate cijene taksiprijevoza, ako se prevozi više putnika;
- način izdavanja dopunskih taksioznaka za vozila, njihova veličina, broj i izgled;
- prava i dužnosti vozača koji obavlja taksiprijevoz i putnika koji se prevoze taksivozilom;
- osnovni i dopunski uvjeti koje mora ispunjavati taksivozač i taksivozilo.

DIO DRUGI - NAČIN ORGANIZIRANJA TAKSIPRIJEVOZA NA PODRUČJU KANTONA**Član 2.****(Definicija taksiprijevoza)**

Taksiprijevoz je javni prijevoz putnika u vanlinijskom cestovnom prijevozu za koji je cijena prijevoza za pređeni

put unaprijed određena i utvrđuje se taksimetrom po cjenovniku usluga.

Član 3.

(Organizacija taksiprijevoza)

Taksiprijevoz putnika organizira se ovisno o potrebama putnika tako što se putnik može primiti na prijevoz na taksistajalištu, van taksistajališta ukoliko se time ne ugrožava sigurnost prometa, kao i na poziv putem radiostanice.

Član 4.

(Vozilo za obavljanje taksiprijevoza)

- (1) Taksiprijevoz se može obavljati samo putničkim vozilom sa pet sjedišta (1+4), koje ima četvera vrata, a oblik karoserije je limuzina ili karavan (u daljnjem tekstu: taksivozilo).
- (2) Taksivozilo iz stava (1) ovog člana ne može imati priključno vozilo.

Član 5.

(Lica koja mogu obavljati taksiprijevoz)

- (1) Taksiprijevoz putnika na području Kantona mogu obavljati pravna i fizička lica (u daljnjem tekstu: taksiprijevoznik).
- (2) Pravno lice može obavljati taksiprijevoz ako je upisano u sudski registar za obavljanje tog prijevoza i ako mu je to osnovna djelatnost i ispunjava propisane uvjete iz Zakona o cestovnom prijevozu Federacije Bosne i Hercegovine (u daljnjem tekstu: Zakon) i propisa donesenih u sprovođenju tog zakona.
- (3) Fizičko lice može obavljati taksiprijevoz, pod uvjetom da mu je to osnovna djelatnost, ako ima rješenje za obavljanje tog prijevoza izdato od nadležne općinske službe za poslove cestovnog prometa (u daljnjem tekstu: nadležna općinska služba) na čijem prostoru fizičko lice ima sjedište, odnosno prebivalište u skladu sa Zakonom o obrtu i srodnim djelatnostima („Službene novine Federacije BiH“, broj: 35/09) i ispunjava propisane uvjete iz Zakona i propisa donesenih u sprovođenju tih zakona.

Član 6.

(Uvjet za otpočinjanje obavljanja taksiprijevoza)

Taksiprijevoznik može otpočeti obavljati taksiprijevoz putnika nakon dobijanja licence prijevoznika za taksiprijevoz.

Član 7.

(Mjesto obavljanja taksiprijevoza)

- (1) Taksiprijevoznik koji posjeduje licencu prijevoznika za taksiprijevoz može obavljati taksiprijevoz putnika samo na prostoru općine Kantona u kojoj ima sjedište, odnosno prebivalište.

- (2) Taksiprijevoznik može samo, u cilju završetka započete vožnje, ispuštati putnike mimo matične općine.

DIO TREĆI - BROJ I RAZMJESTAJ TAKSI-STAJALIŠTA, NAČIN NJIHOVOG KORIŠTENJA, UREĐENJA I ODRŽAVANJA I BROJ TAKSIVO-ZILA NA POJEDINIM TAKSISTAJALIŠTIMA

Član 8.

(Pojam taksistajališta)

Taksistajalište je propisno uređena i označena površina gdje se zadržavaju taksivozila i to po redu dolaska u cilju prijema narudžbi i prijevoza putnika prema redoslijedu.

Član 9.

(Broj i razmjestaj taksistajališta i broj taksivozila)

- (1) Broj i razmjestaj taksistajališta, broj stajališnih mjesta za taksivozila na taksistajalištima koja se nalaze na javnim površinama, kategoriju taksistajališta i ukupan broj taksivozila, odnosno ukupan broj dopunskih taksioznaka, na svom području, na početku svake godine određuje nadležna općinska služba, vodeći računa o broju stanovnika, organizovanosti javnog gradskog prijevoza, broju i razmještaju javnih institucija i objekata, opštem stanju saobraćaja, dnevnoj migraciji stanovništva, konfiguraciji tla i drugim uvjetima, na osnovu iskazanih potreba korisnika prijevoza i prijedloga taksiprijevoznika.
- (2) Pri utvrđivanju ukupnog broja taksivozila iz stava (1) ovog člana nadležna općinska služba koristit će se odnosom jedno taksivozilo na 1.000 stanovnika.
- (3) Odredba stava (2) ovog člana neće se primjenjivati na taksiprijevoznike koji su ispunili uvjet iz člana 6. ove odluke i već obavljaju taksiprijevoz, kao i na taksiprijevoznike koji posjeduju važeće rješenje za obavljanje taksiprijevoza i ispunjavaju uvjete za dodjelu dopunske taksioznake ukoliko ispune uvjete za licencu prijevoznika za taksiprijevoz u roku od 30 dana od dana stupanja na snagu ove odluke.
- (4) Akt o utvrđivanju ukupnog broja taksivozila iz stava (2) ovog člana nadležna općinska služba dužna je dostaviti Ministarstvu za prostorno uređenje, promet i komunikacije i zaštitu okoline Zeničko-dobojskog kantona (u daljnjem tekstu: Ministarstvo) do 15. januara tekuće godine.

Član 10.

(Način korištenja, red i rad na taksistajalištima)

- (1) Način korištenja, red i rad na taksistajalištima uređuje nadležna općinska služba aktom na koji saglasnost daje Ministarstvo.
- (2) Raspored taksivozila na taksistajalištima i kriterije za red prvenstva u raspoređivanju taksivozila na taksistajalištima uređuje općinsko udruženje taksiprijevoznika

aktom na koji saglasnost daje nadležna općinska služba.

(3) Zahtjev za raspored taksivozila na taksistajalište podnosi općinskom udruženju taksiprijevoznika putem nadležne općinske službe:

- a) taksiprijevoznik koji obnavlja raspored;
- b) fizičko lice koje je dobilo rješenje nadležne općinske službe;
- c) pravno lice koje je registrovano za obavljanje taksiprijevoza.

(4) Ukoliko nema slobodnih mjesta na taksistajalištima iz razloga propisanog u stavu (2) člana 9. ove odluke, općinsko udruženje taksiprijevoznika je dužno da sačini listu čekanja na raspored za taksistajalište vodeći računa o redoslijedu podnesenih zahtjeva za raspored na taksistajalište.

(5) Općinsko udruženje taksiprijevoznika dužno je na oslobođeno taksistajalište rasporediti prvog sa liste čekanja samo ukoliko je ispunjen uvjet iz stava (2) člana 9. ove odluke.

(6) Općinsko udruženje taksiprijevoznika dužno je Raspored taksivozila na taksistajalištima za narednu godinu dostaviti nadležnoj općinskoj službi najkasnije mjesec dana prije isteka tekuće godine.

(7) Nakon isteka roka iz stava (3) člana 9. ove odluke općinsko udruženje taksiprijevoznika dužno je brisati sa Rasporeda taksivozila na taksistajalištima za tekuću godinu taksiprijevoznike koji nisu ostvarili pravo na licencu prijevoznika za taksiprijevoz i o tome pismeno obavijestiti, u roku od 15 dana, nadležnu općinsku službu.

(8) U općini u kojoj nije formirano općinsko udruženje taksiprijevoznika, akt iz stava (2) ovog člana donosi nadležna općinska služba.

(9) Nadležna općinska služba u općini u kojoj nije formirano općinsko udruženje taksiprijevoznika dužna je provesti postupak propisan odredbama stava (3), (4), (5) i (7) ovog člana.

(10) Taksistajalište na području općine mogu koristiti samo taksiprijevoznici sa te općine.

Član 11.

(Uređenje i održavanje taksistajališta)

(1) Uređenje i održavanje taksistajališta vrši nadležna općinska služba na čijem se području ista nalaze.

(2) Pod uređenjem i održavanjem taksistajališta podrazumijeva se uređenje javne površine, postavljanje i obnavljanje vertikalnih i horizontalnih oznaka na stajalištu.

(3) Taksistajalište mora se obilježiti propisanom vertikalnom i horizontalnom signalizacijom i to:

- a) tablom plave boje sa ispisanim nazivom, brojem i kategorijom taksistajališta, brojem stajališnih mjesta i radnim vreme-

nom, te saobraćajnim znakom „zabranjeno zaustavljanje i parkiranje“ sa dopunskom tablom „osim taksivozila“;

b) na saobraćajnoj površini određenoj za taksistajališta potrebno je propisno označiti stajališna mjesta.

(4) Za upotrebu taksistajališta na javnim površinama plaća se godišnja naknada.

(5) Određivanje visine naknade iz stava (4) ovog člana i naplatu iste vrši nadležna općinska služba na čijem se području nalazi taksistajalište.

(6) Sredstva prikupljena od naknada općine su dužne namjenski koristiti za izgradnju novih, uređenje i održavanje postojećih taksistajališta, te za unaprijeđenje taksidjelatnosti.

Član 12.

(Raspored taksivozila)

(1) Na jedno stajališno mjesto taksistajališta mogu se rasporediti 2 (dva) taksivozila s tim što istovremeno na taksistajalištu ne može biti parkirano više taksivozila nego što ima obilježenih stajališnih mjesta.

(2) Nadležna općinska služba može na osnovu pokazatelja o dnevnom kretanju putnika na pojedinim taksistajalištima rasporediti maksimalno 3 (tri) taksivozila na jedno stajališno mjesto.

DIO ČETVRTI - NAČIN UTVRĐIVANJA I NAPLATE CIJENE TAKSIPRIJEVOZA, AKO SE PREVOZI VIŠE PUTNIKA

Član 13.

(Način utvrđivanja cijene)

(1) U toku prijevoza putnika taksivozicom mora biti uključen taksimetar, koji je ispravan, baždaren prema propisanim metrološkim uvjetima za taksimetre, plombiran i ugrađen na vidnom mjestu u vozilu.

(2) Cijena taksiprijevoza utvrđena taksimetrom ne može se uvećavati bez obzira na broj putnika koji se prevoze.

(3) Ukoliko se istim taksivozicom prevozi više putnika cijena prijevoza se dijeli podjednako na sve korisnike taksiusluge.

(4) Pri obavljanju taksiprijevoza bez saglasnosti putnika koji je prvi započeo koristiti taj prijevoz, ne mogu se primati na prijevoz drugi putnici.

Član 14.

(Cjenovnik usluga)

(1) Cjenovnik usluga utvrđuje nadležna općinska služba aktom na koji saglasnost daje Ministarstvo.

(2) U općini u kojoj je formirano općinsko udruženje taksiprijevoznika cjenovnik usluga utvrđuje nadležna općinska služba u saradnji sa istim.

- (3) Uz cjenovnik usluga iz stava (1) ovog člana nadležna općinska služba je dužna dostaviti obrazloženje pojedinačnih elemenata koji čine cijenu prijevoza.
- (4) Cjenovnik usluga iz stava (1) ovog člana ovjerava Ministarstvo i isti mora biti istaknut na vidnom mjestu u taksivozilu.
- (5) Nadležna općinska služba na zahtjev taksiprijevoznika izdaje cjenovnik usluga.
- (6) Cjenovnik usluga se izdaje uz naknadu.
- (7) Određivanje visine naknade za cjenovnik usluga iz stava (6) ovog člana i naplatu iste vrši nadležna općinska služba.
- (8) Cjenovnik usluga mora biti jedinstven na nivou općine.
- (9) Cjenovnikom usluga se određuje cijena:
 - a) početka vožnje (start);
 - b) vožnje po predenom kilometru;
 - c) čekanja;
 - d) noćne vožnje, vožnje nedjeljom i praznikom;
 - e) prijevoza prtljaga.
- (10) Cijena taksiprijevoza se utvrđuje taksimetrom po cjenovniku usluga.
- (11) Cijena taksiprijevoza na relacijama dužim od 25 km može se ugovoriti i bez uključenja taksimetra, s tim da cijena ne može biti veća od one koja bi se utvrdila taksimetrom.
- (12) Prije početka prijevoza iz stava (11) ovog člana taksiprijevoznik je dužan izdati kartu za prijevoz putniku koji se prevozi na utvrđenoj relaciji.
- (13) Karta za prijevoz treba da sadrži:
 - a) registarski broj vozila;
 - b) putnu relaciju;
 - c) naplaćenu, odnosno ugovorenu cijenu;
 - d) datum prijevoza;
 - e) potpis i otisak pečata taksiprijevoznika.
- (4) Taksiprijevoznik je dužan najkasnije mjesec dana prije isteka tekuće godine podnijeti zahtjev za obnavljanje dopunske taksioznake nadležnoj općinskoj službi i priložiti dokaze o ispunjavanju uvjeta iz stava (2) ovog člana.
- (5) Dopunska taksioznaka se izdaje uz naknadu.
- (6) Određivanje visine naknade za oznaku po jednom vozilu iz stava (5) ovog člana i naplatu iste vrši nadležna općinska služba.
- (7) O izdatim dopunskim taksioznakama nadležna općinska služba vodi evidenciju.
- (8) Na osnovu evidencije iz stava (7) ovog člana nadležna općinska služba dužna je Ministarstvu do 15. januara tekuće godine dostaviti Spisak izdatih dopunskih taksioznaka.
- (9) Za postupke koji se vode u Ministarstvu nadležna općinska služba dužna je izdati na zahtjev taksiprijevoznika uvjerenje da ispunjava uslove za dodjelu dopunske taksioznake i uvjerenje da mu je izdata dopunska taksioznaka.

Član 16.

(Izgled, broj i veličina dopunske taksioznake)

- (1) Vozilo kojim se obavlja taksiprijevoz putnika mora imati dopunsku taksioznaku na kojoj se nalazi naziv kantona, naziv i grb općine, naziv službe koja je izdaje, registarska oznaka i evidencijski broj vozila, te godina važenja.
- (2) Oznaka iz stava (1) ovog člana na taksivozilu ispisuje se na naljepnici, elipsastog oblika prečnika najmanje 12 x 7 cm, koja se postavlja u donjem desnom dijelu prednjeg vjetrobranskog stakla u vozilu.
- (3) Oznaka u taksivozilu ispisuje se štampanim slovima najmanje visine 8 mm i širine 1 mm.
- (4) Evidencijski broj vozila na dopunskoj taksioznaci treba da sadrži broj taksistajališta, broj stajališnog mjesta i eventualno dodatni broj ukoliko su na jedno stajališno mjesto raspoređena 2 (dva) ili maksimalno 3 (tri) taksivozila.
- (5) Osnovna boja dopunske taksioznake je žuta, a boja simbola crna.

Član 17.

(Vraćanje dopunskih taksioznaka)

- (1) Taksiprijevoznik je dužan dopunsku taksioznaku vratiti nadležnoj općinskoj službi:
 - a) danom podnošenja zahtjeva za stalnu ili privremenu odjavu djelatnosti taksiprijevoza;
 - b) u slučaju brisanja sa Rasporeda taksivozila na taksistajalištima;
 - c) u slučaju zabrane obavljanja djelatnosti taksiprijevoza;
 - d) u slučaju prestanka važenja licence prijevoznika.

Član 15.

(Način izdavanja dopunskih taksioznaka)

- (1) Nadležna općinska služba na zahtjev taksiprijevoznika izdaje dopunske taksioznake.
- (2) Dopunska taksioznaka izdat će se samo za ono vozilo za koje taksiprijevoznik posjeduje dokaz da je raspoređen na taksistajalište i važeće rješenje o ispunjavanju propisanih tehničko-eksploatacionih uvjeta za vozilo.
- (3) Dopunska taksioznaka se dodjeljuje po načelu jedna oznaka za jedno vozilo i važi do kraja godine u kojoj je izdata.

DIO PETI - NAČIN IZDAVANJA DOPUNSKIH TAKSIOZNAKA ZA VOZILA, NJIHOVA VELIČINA, BROJ I IZGLED

- (2) Taksiprijevoznik je obavezan podnijeti zahtjev za izdavanje nove dopunske taksioznake nadležnoj općinskoj službi ukoliko se radi o najavi rada po privremenoj odjavi ili prestanku zabrane obavljanja djelatnosti taksiprijevoza.
- (3) Nadležna općinska služba je dužna voditi urednu evidenciju vraćenih dopunskih taksioznaka.
- (4) Evidencije iz stava (3) ovog člana potrebno je kontinuirano dostavljati Ministarstvu.
- (5) Nadležna općinska služba dužna je jedan primjerak rješenja, u slučaju stalne ili privremene odjave djelatnosti taksiprijevoza, dostaviti Ministarstvu i nadležnim organima koji vrše nadzor nad obavljanjem djelatnosti taksiprijevoza.
- (6) Rješenje, u slučaju stalne odjave djelatnosti taksiprijevoza, nadležna općinska služba dužna je dostaviti općinskom udruženju taksiprijevoznika radi brisanja taksiprijevoznika sa Rasporeda taksivozila na taksistajalištima za tekuću godinu.
- (2) Ukoliko nije u mogućnosti naručenu vožnju započeti ili započetu vožnju završiti taksivozač je obavezan za najkraće vrijeme putnicima koji su naručili prijevoz osigurati drugo vozilo i taksivozača.
- (3) Taksivozač je dužan pružiti uslugu svakom putniku koji prijevoz naruči neposredno ili telefonom, bez obzira na dužinu vožnje, osim:
 - a) ako naručitelj svojim ponašanjem ugrožava život ili imovinu taksiprijevoznika;
 - b) ako je naručitelj pod uticajem alkohola ili drugih opojnih sredstava;
 - c) ako su naručitelj i njegov prtljag toliko prljavi da bi mogli uprljati unutrašnjost vozila ili druge putnike koji se prevoze;
 - d) ako uvjeti na putu ne omogućavaju normalnu i sigurnu vožnju.
- (4) Taksivozač ne smije prevoziti bez pratnje djecu mlađu od 7 godina.
- (5) Taksivozač je dužan primiti prtljag putnika kojeg prevozi i smjestiti u prostor za prtljag ako njegova masa ne prelazi 30 kg.
- (6) Za vrijeme dok je taksivozilo parkirano na taksistajalištu, zbog efikasnijeg pružanja usluga, taksivozač je dužan biti u taksivozilu ili pored taksivozila.
- (7) Taksivozač je dužan isključiti radioaparat na zahtjev putnika koji se prevozi.

DIO ŠESTI - PRAVA I DUŽNOSTI VOZAČA KOJI OBAVLJA TAKSIPRIJEVOZ I PUTNIKA KOJI SE PREVOZE TAKSIVOZILOM

Član 18.

(Dokumentacija u vozilu)

- (1) Za vrijeme obavljanja taksiprijevoza, vozač koji je zaposlen kod taksiprijevoznika - pravnog lica, odnosno ako samostalno obavlja djelatnost taksiprijevoza kao fizičko lice (u daljnjem tekstu: taksivozač), mora u vozilu imati:
 - a) važeću licencu vozila;
 - b) važeće rješenje o ispunjavanju propisanih tehničko-eksploatacionih uvjeta za vozilo;
 - c) dopunsku taksioznaku za vozilo;
 - d) potvrdu o obavljenom periodičnom pregledu vozila;
 - e) iskaznicu za vozača;
 - f) ovjeren cjenovnik usluga;
 - g) plan grada, odnosno općine;
 - h) druge dokumente propisane Zakonom i propisima iz oblasti prijevoza i sigurnosti prometa.
- (2) Taksiprijevoznik - pravno lice je obavezan donijeti Pravilnik kojim se reguliraju prava i obaveze taksivozača u obavljanju taksiprijevoza u skladu sa članom 15. Zakona.

Član 19.

(Prava i dužnosti taksivozača)

- (1) Taksivozač je dužan u potpunosti izvršiti uslugu prema putnicima koji su ga unaprijed i za određeno vrijeme angažirali.

Član 20.

(Prijem i prijevoz putnika)

- (1) Taksivozač prima putnike na prijevoz na taksistajalištu na koje je raspoređen po redoslijedu pristizanja na isto.
- (2) Putnici se mogu primati na prijevoz i van taksistajališta ako se tom radnjom ne ugrožava normalno i sigurno odvijanje prometa i to samo ako je taksivozač zaustavljen od strane putnika i ako nije u blizini 100 metara od taksistajališta.
- (3) Izuzetno, ukoliko putnik ima posebne zahtjeve, u pogledu urednosti i komfora vozila ili uljudnosti vozača, može zatražiti uslugu i od taksivozača čije vozilo nije na prvom mjestu taksistajališta.
- (4) Ako putnik naruči prijevoz telefonskim pozivom preko radio-taksicentra prima se na prijevoz na mjestu koje odredi.
- (5) Naknada za prijevoz iz stava (4) ovog člana računa se od mjesta prijema putnika.
- (6) Odredište vožnje određuje putnik.
- (7) Taksivozač je dužan prijevoz obaviti najkraćim putem, odnosno putem kojeg mu odredi putnik ako uvjeti puta omogućavaju normalnu i sigurnu vožnju.
- (8) Za vrijeme vožnje, putnici koji se prevoze ne smiju ometati u vožnji taksivozača niti praviti štetu na taksivozilu.

Član 21.**(Naknada za prijevoz)**

- (1) Po završetku vožnje, putnik koji se prevozi je obavezan platiti ugovorenu ili taksimetrom utvrđenu cijenu prijevoza.
- (2) Ukoliko taksivozač ne uključi taksimetar, a cijena prijevoza nije ugovorena, putnik koji se prevozi nije obavezan platiti naknadu za izvršeni prijevoz, osim cijene starta utvrđene cjenovnikom usluga.

Član 22.**(Zabrana pušenja)**

- (1) U vrijeme obavljanja prijevoza putnika u taksivozilu je zabranjeno pušenje.
- (2) Taksivozač je obavezan istaći u taksivozilu na vidnom mjestu natpis o zabrani pušenja.

Član 23.**(Vraćanje nađenih stvari)**

Po završetku vožnje taksivozač je dužan pregledati vozilo, a nađene stvari najkasnije u roku od 24 sata prijaviti najbližoj Policijskoj upravi.

DIO SEDMI - OSNOVNI I DOPUNSKI UVJETI KOJE MORA ISPUNJAVATI TAKSIVOZAČ I TAKSIVOZILLO**Član 24.****(Osnovni i dopunski uvjeti za taksivozača)**

Taksivozač, koji upravlja motornim vozilom kojim se obavlja taksiprijevoz, pored uvjeta utvrđenih propisima o sigurnosti prometa na cestama, uvjeta iz člana 9. Zakona i propisa donesenih na osnovu Zakona, mora imati vozačku dozvolu najmanje dvije godine i položen poseban ispit za taksivozača.

Član 25.**(Ispit za taksivozača)**

- (1) Ispitom iz člana 24. ove odluke provjerava se poznavanje historijskih, privrednih, kulturnih, turističkih i drugih znamenitosti Kantona, te poznavanje prava i dužnosti taksiprijevoznika.
- (2) Bliže odredbe u vezi sa programom, načinom polaganja posebnog ispita za taksivozača, sastav ispitne komisije, način izdavanja uvjerenja i način vođenja evidencije o izdatim uvjerenjima propisuju se posebnim pravilnikom koji donosi ministar Ministarstva.

Član 26.**(Izgled taksivozača)**

Za vrijeme obavljanja taksiprijevoza taksivozač mora biti uredno i pristojno odjeven i uljudno se odnositi prema

putnicima, odnosno ne smije biti odjeven u kratke hlače, majicu bez rukava i papuče.

Član 27.**(Osnovni i dopunski uvjeti za taksivozilo)**

- (1) Taksivozilo, pored uvjeta utvrđenih propisima o sigurnosti prometa na cestama, uvjeta iz Zakona i propisa donesenih na osnovu Zakona, mora ispunjavati i slijedeće uvjete:
 - a) da ima oznaku na krovu vozila sa natpisom „TAXI ili TAKSI“ dimenzija 260 x 120 mm, koja noću mora biti osvijetljena kada je vozilo slobodno za vožnju;
 - b) da ukoliko se u vozilu nalazi ugrađena mobilna radiostanica umjesto oznake iz stava (1) tačka a) ovog člana treba da ima oznaku na krovu vozila (sa obostranim natpisom) „RADIO TAXI ili RADIO TAKSI“ dimenzija 500 x 120 mm i evidencijski broj taksivozila.
- (2) Oznake simbola na tablama su crne boje na žutoj podlozi.

DIO OSMI - PRIJELAZNE I ZAVRŠNE ODREDBE**Član 28.****(Pribavljanje saglasnosti)**

- (1) Nadležna općinska služba je dužna na akt iz člana 10. stav (1) ove odluke pribaviti saglasnost u roku od 30 dana od dana stupanja na snagu ove odluke.
- (2) Općinsko udruženje taksiprijevoznika je dužno na akt iz člana 10. stav (2) ove odluke pribaviti saglasnost u roku od 30 dana od dana davanja saglasnosti na akt iz stava (1) ovog člana.

Član 29.**(Rok za uređenje taksistajališta)**

Uređenje taksistajališta propisano članom 11. ove odluke općine su dužne izvršiti u roku od 90 dana od dana stupanja na snagu ove odluke.

Član 30.**(Saglasnost i ovjera cjenovnika usluga)**

Nadležna općinska služba je dužna na akt iz člana 14. stav (1) ove odluke pribaviti saglasnost i cjenovnik usluga ovjeriti u roku od 30 dana od dana stupanja na snagu ove odluke.

Član 31.**(Izuzeci od primjene Odluke)**

Odredba člana 24. ove odluke u pogledu posebnog ispita za taksivozača neće se primjenjivati na taksiprijevoznika kojemu je rješenje za obavljanje

taksiprijevoza izdato od nadležne općinske službe prije
09.10.2003.godine.

Član 32.

(Posebni uvjeti za taksiprijevoz)

- (1) Fizičko lice koje podnosi zahtjev za izdavanje rješenja za obavljanje djelatnosti taksiprijevoza nadležnoj općinskoj službi obavezno je uz zahtjev dostaviti vozačku dozvolu i dokaz o položenom posebnom ispitu za taksivozača.
- (2) Pravno lice koje podnosi zahtjev za izdavanje licence prijevoznika za taksiprijevoz Ministarstvu obavezno je uz zahtjev dostaviti dokaz o položenom posebnom ispitu za taksivozača za svakog uposlenog taksivozača.

Član 33.

(Donošenje pravilnika)

- (1) Ministar Ministarstva donijet će pravilnik iz člana 25. stav (2) ove odluke u roku od 30 dana od dana stupanja na snagu ove odluke.
- (2) Do donošenja pravilnika iz stava (1) ovog člana primjenjivat će se važeći Pravilnik o polaganju posebnog ispita za taksi vozača u Zeničko-dobojskom kantonu („Službene novine Zeničko-dobojskog kantona“, broj: 17/07).

Član 34.

(Važnost dopunskih taksioznaka)

- (1) Dopunske taksioznake izdate za taksivozila koja imaju registarske tablice koje počinju slovnim oznakom „TA“ važe za godinu za koju su izdate.
- (2) Dopunske taksioznake izdate za taksivozila koja nemaju registarske tablice koje počinju slovnim oznakom „TA“ prestaju važiti 28.09.2010.godine.

Član 35.

(Stavljanje van snage)

Donošenjem ove odluke stavlja se van snage Pravilnik o organizaciji i načinu obavljanja taksi prijevoza putnika na području Zeničko-dobojskog kantona („Službene novine Zeničko-dobojskog kantona“, broj: 10/07 i 2/08).

Član 36.

(Stupanje na snagu)

Ova odluka stupa na snagu narednog dana od dana objavljivanja u „Službenim novinama Zeničko-dobojskog kantona“.

VLADA

182.

Na osnovu člana 16. stav 1. Zakona o Vladi Zeničko-dobojskog kantona („Službene novine Zeničko-dobojskog kantona“ broj: 16/00, 7/05 i 4/06) i člana 12. Zakona o dopunskim pravima branilaca i članova njihovih porodica („Službene novine Zeničko-dobojskog kantona“ broj: 6/06 i 9/07), Vlada Zeničko-dobojskog kantona, na 180. sjednici, održanoj 12.05.2010.godine, d o n o s i

U R E D B U

O IZMJENAMA UREDBE O MEDICINSKOJ REHABILITACIJI BRANILACA I ČLANOVA NJIHOVIH PORODICA U BANJSKO-KLIMATSKIM LJEČILIŠTIMA

Član 1.

(Izmjena člana 10.)

U članu 10. Uredbe o medicinskoj rehabilitaciji branilaca i članova njihovih porodica u banjsko-klimatskim lječilištima („Službene novine Zeničko-dobojskog kantona“ broj 12/06), stav (2) se briše.

Član 2.

(Izmjena člana 13.)

U članu 13. Uredbe, stav (3) se briše, a stavovi (4) i (5) postaju stavovi (3) i (4).

Član 3.

(Izmjena člana 15.)

U članu 15. Uredbe, stav (3) se briše, a stavovi (4), (5) i (6) postaju stavovi (3), (4) i (5).

Član 4.

(Izmjena člana 17.)

U članu 17. Uredbe, iza riječi "svrhu" stavlja se tačka a preostali dio teksta se briše.

Član 5.

(Brisanje člana 23.)

Član 23. Uredbe se briše, a članovi 24. do 29. postaju članovi 23. do 28.